

Անիավան

Վարչական դեկավար՝ Մարտիրոս Միրոյան

Հեռ 093 40 18 76

Մակերես՝ 87կմ²

Բնակչություն՝ 397

aniavan.shirak@mta.gov.am

Համայնքի ներկայիս անվանումը – Անիավան

Համայնքի պատմական անվանումները- Անի կայարան

Համայնքի հիմնադրման ժամանակաշրջանը – 1902թիվ

Որ համայնքներին է սահմանակից համայնքը – Բագրավան, Անիպեմզա

Հեռավորությունը մայրաքաղաքից- 100 կմ

Հեռավորությունը մարզկենտրոնից – 43 կմ

Բնակչության կազմը – Հայ

Կրթական հաստատություններ – դպրոց

Արտադրական ձեռնարկություններ - << Միրոյան Տուֆ>> ՍՊԸ, <<Կալմիտա>> ՍՊԸ

Բնակչության հիմնական զբաղմունքը – Անասնապահություն

Գյուղ Անիի նախկին տարածաշրջանում, մարզկենտրոնից գտնվում է 43կմ հեռավորության վրա:

Հիմնադրվել է երկաթուղային կայարանին կից ավան՝ Երևան-Գյումրի երկաթուղու

ճանապարհահատվածի հարևանությամբ:

Գյուղը գտնվում է Շիրակի դաշտում՝ ծովի մակարդակից 1420մ բարձրության վրա: Կլիման բարեխառն

լեռնային է, ձմեռը տևական, ցուրտ, հաստատուն ձնածածկույթով: Ամառը տաք է, համեմատաբար

խոնավ: Տարեկան տեղումների քանակը 500-600մմ: Բնական լանդշաֆտները սևահողային

լեռնատափաստաններ: Գյուղի շրջակայքում կան կարմիր և սև տուֆի պաշարներ, որոնք ունեն

արդյունաբերական նշանակություն:

Գյուղի բնակչության զգալի մասը տեղափոխվել է Հայաստանի Անիի, Արթիկի, Թալինի

շրջաններից: 1926 թ-ին ունեցել է 66, 1939 թ-ին՝ 249, 1959 թ-ին՝ 386, 1970 թ-ին՝ 460 բնակիչ: Ըստ

ազգային վիճակագրական ծառայության տվյալների համայնքը 2013 թ-ի հունվարի 1-ի դրությամբ

ունեցել է 397 մարդ: Սեռային կազմում տղամարդիկ կազմում են 46%, կանայք՝ 54%: Տարիքային

խմբերը բաշխված են հետևյալ կերպ. մինչաշխատունակներ՝ 32%, աշխատունակներ՝ 48%,

հետաշխատունակներ՝ 20%: Ունի 44 տնտեսություն: Ունի դպրոց, գրադարան, բուժկետ, կապի

հանգույց: Բնակչության մի մասը աշխատում է տեղի քարհանքում և երկաթուղային կայարանում:

Գյուղատնտեսության մասնագիտացման ուղղությունը երկրագործությունն է: Պետական հողերը

գլխավորապես օգտագործվում են որպես վարելահողեր, արոտավայրեր՝ կազմելով

համապատասխանաբար 7 և 22 հեկտար: Զբաղվում են հացահատիկային, բանջարաբոստանային,

կերային կուլտուրաների, կարտոֆիլի մշակությամբ: Զբաղվում են նաև անասնապահությամբ,

մեղվաբուծությամբ:

Համայնքի հիմնախնդիրների մեջ կարևորվում են դպրոցական գույքի նորացումը, խմելու ջրագծերի

վերանորոգումը, գյուղամիջյան ճանապարհների վերանորոգումը, գյուղատնտեսական մթերքի

իրացումը, գազաֆիկացումը:

ՀՀ Շիրակի մարզ, Անիավան/Անի կայարան/

Ինդեքս՝ 2903